ЎЗБЕКИСТОН РЕСПУБЛИКАСИ НОМИДАН ХАЛ ҚИЛУВ ҚАРОРИ

Шовот тумани

2024 йил 25 март

Судъя: Б.И.Хайитбоев

Шовот туманлараро иктисодий суди раиси, судья Б.Хайитбоев раислигида судья ёрдамчиси Ш.Салаевнинг котиблигида, Шовот туманлараро иктисодий суди биносида, очик суд мажлиси:

Даъвогар: Ўзбекистон Республикаси Савдо-саноат палатаси Хоразм вилоят худудий бошқармасининг «TEXTILE FINANCE KHOREZM» маъсулияти чекланган жамияти қушма корхонасининг манфаатида

Жавобгар: «Қувондиқ Шихов» фермер хўжалигидан 1.152.958.584,1 сўм қарздорликни ундириш тўгрисидаги даъво аризаси бўйича ишни даъвогар вакили А.Ахмедов (2024 йил 01 фелралдаги 97-сонли ишончнома асосида) иштирокида ишни кўриб чиқиб, қўйидагиларни

аниклади:

Даъвогар Ўзбекистон Республикаси Савдо-саноат палатаси Хоразм вилоят худудий бошқармаси «TEXTILE FINANCE KHOREZM» маъсулияти чекланган жамияти қушма корхонасининг манфаатини кузлаб Шовот туманлараро иқтисодий судига даъво ариза билан мурожаат қилиб, «Қувондиқ Шихов» фермер хужалигидан 1.152.958.584,1 сум қарздорликни ундиришни сураган.

Палата ишни ўзининг вакили иштирокисиз кўришни сўраган.

Бугунги суд мажлисида даъвогар вакили тушунтириш бериб даьвони кувватлаб, даъвогар томонидан тарафлар ўртасида тузилган контрактация шартнома бўйича мажбуриятлар тўлик бажарилиб тегишли молиялаштириш ишлари амалга оширилганлигини, мазкур контрактация шартнома бўйича форс мажор холати юзасидан тегишли Комиссия ишни кўриб чикмаганлигини, карздорлик шу кунгача копланмаганлигини, даъвони тўлик каноатлантиришни сўради.

Бугунги суд мажлисида жавобгар вакили иштирок этмади ва даъво ариза юзасидан фикр билдирмади. Жавобгарнинг суд мажлиси ўтказилиш куни, жойи ва вакти ҳақида тегишли равишда ҳабардор қилинганлиги тўғрисида ишда тегишли ҳужжатлар мавжуд.

Ўзбекистон Республикаси Иқтисодий процессуал кодексининг 128-моддасига кўра агар суд иктисодий суд ишларини юритиш иштирокчиси ўзига юборилган ажримнинг кўчирма нусхасини олганлиги ёки ушбу Кодексда назарда тутилган бошка усулда хабардор қилинганлиги тўғрисида суд мажлиси бошлангунига қадар маълумотларга эга бўлса, ушбу иштирокчи тегишли тарзда хабардор қилинган деб ҳисобланади.

Бундай ҳолда, суд ишни Ўзбекистон Республикасининг Иқтисодий процессуал кодексини 128,170-моддаси тартибида иштирокисиз кўриб чиқишни лозим деб ҳисоблайди.

Суд ишда иштирок этувчи тараф вакилининг тушунтиришларини тинглаб, ишдаги хужжатларни тахлил қилиб қуйидаги асосларга кура даъво аризани

тўлиқ қаноатлантиришни ва суд харажатларини жавобгар зиммасига юклашни лозим деб топади.

Иш хужжатларидан аниқланган холатларга кўра, «TEXTILE FINANCE KHOREZM» маъсулияти чекланган жамияти қўшма корхонаси ва «Қувондиқ Шихов» фермер хўжалиги ўртасида 2023 йил 6 феврал куни №91-сонли "пахта хом-ашёси харид қилиш бўйича" контрактация шартномаси тузилган.

Шартноманинг 1.1-бандига асосан фермер хўжалиги шартномада кўрсатилган муддат ва тегишли микдорда пахта хом-ашёсини етиштириб даъвогарга етказиб бериш, даъвогар эса махсулот етиштиришни молиялаштириш ва харид килиш мажбуриятини олган.

Томонлар ўртасида тузилган шартноманинг 2.2-қисми "е" бандига кўра фермер хўжалиги "харидор" дан олинган уруғлик, йиғим терим мавсуми учун керакли материаллар ва бўнак (аванс) маблағларидан мақсадли фойдаланиши "ё" бандига кўра эса шартномавий мажбуриятлар бажарилмаган ҳолатда "Харидор"га, тўланган маблағлар бўйича қарздорликни мутлақ қоплаб бериш назарда тутилган.

Шартноманинг 4.2-банди талабидан келиб чиқиб «TEXTILE FINANCE KHOREZM» маъсулияти чекланган жамияти қушма корхонаси томонидан шартномада курсатилган экин ер майдонида пахта хом ашёсини етиштириш ва кейинчалик узига етказиб бериш мақсадида 60 фоиз аванс (бунак) пул маблағи, шу билан бирга агротехник хизматлар, уруғлик, минерал уғит, ёқилғи мойлаш маҳсулотлари, йиғим терим мавсуми учун керакли материаллар, транспорт хизматлари, терим пуллари ва бошқа харажатлар учун 2.237.626.231,30 сум миқдорида молиялаштирилган.

Бироқ, жавобгар «Қувондиқ Шихов» фермер хўжалиги томонидан шартномада кўрсатилган 339 тонна махсулот ўрнига 141 тонна 644 кг пахта хом ашёси қисман етказиб берилган бўлиб, натижада 1.152.958.584,1 сўм қарздорлик вужудга келган.

«TEXTILE FINANCE KHOREZM» маъсулияти чекланган жамияти қушма корхонаси томонидан қарздорликни ихтиёрий равишда қоплаш юзасидан талабнома хати жавобгар томонидан ижросиз қолдирилган.

Буни оқибатда даъвогар судга даъво аризаси билан мурожаат қилган.

Ўзбекистон Республикаси Конституциясининг 55-моддасига кўра, ҳар ким ўз ҳуқуқ ва эркинликларини қонунда тақиқланмаган барча усуллар билан ҳимоя килишга ҳақли.

Ўзбекистон Республикаси Фуқаролик кодексининг 8 ва 234-моддаларига кўра мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади.

Мазкур ҳолатда мажбуриятлар "пахта хом-ашёси харид қилиш бўйича" контрактация шартномасидан келиб чиққан.

Ўзбекистон Республикаси Фуқаролик кодексининг 236-моддасига асосан мажбуриятлар мажбурият шартларига ва конун хужжатлари талабларига мувофик, бундай шартлар ва талаблар бўлмаганида эса - иш муомаласи одатларига ёки одатда кўйиладиган бошқа талабларга мувофик лозим даражада бажарилиши керак.

Ўзбекистон Республикаси Фуқаролик кодексининг 242-моддасига кўра, агар мажбуриятни бажариш муддати кўрсатилмаган ёки талаб қилиб олиш

пайти билан белгилаб қуйилган булса, кредитор ҳар қачон ижрони талаб қилишга, қарздор эса - ижрони ҳар қачон амалга оширишга ҳақли булади. Мажбуриятни дарҳол бажариш вазифаси қонун, шартнома ёки мажбуриятнинг моҳиятидан англашилмаса, қарздор бундай мажбуриятни кредитор талаб қилган кундан бошлаб етти кунлик муддат ичида бажариши шарт.

Тарафлар ўртасида имзоланган "пахта хом-ашёси харид қилиш бўйича" контрактация шартномасининг 2.2-қисми "ж" бандига кўра "хўжалик" шартноманинг 1.1-бандида кўрсатилган мажбуриятларини узрли сабабларга кўра бажара олмаса ёхуд бажара олмаслик эҳтимоли вужудга келса, "харидор" га сабабларни тасдикловчи ҳужжатларни такдим қилиши, қолаверса шартноманинг 6.2-қисмига кўра ушбу шартнома шартларини бажарилишига тўскинлик қилувчи енгиб бўлмайдиган куч (форс-мажор) ҳолатлари бўйича бир-бирларини ва форс-мажорни тасдиклаш бўйича комиссияни хабардор қилишлари ва комиссиянинг хулосасига кўра "хўжалик" жавобгарликдан озод қилиниши белгиланган.

Бирок, судда юкоридаги холатда форс мажор холатлари аникланмади.

Даъвогарнинг даъво талаби ишга такдим қилинган юк хатлари, электрон счёт-фактуралар, таққослаш далолатномаси ва бошқа тегишли хужжатлар билан тулиқ исботини топади.

Ўзбекистон Республикаси Иқтисодий процессуал кодекси 68-моддасига кўра, ишда иштирок этувчи ҳар бир шахс ўз талаб ва эътирозларига асос қилиб келтираётган ҳолатларни исботлаши керак.

Суд, юқоридагиларга асосан даъво аризани тўлик қаноатлантиришни, суд харажатларини жавобгар зиммасига юклашни лозим топади.

Бинобарин суд, Ўзбекистон Республикаси Иқтисодий процессуал кодексининг 68, 118, 128, 170, 176-179, 180-моддаларини, қўллаб,

карор килади:

Даъво ариза тўлик каноатлантирилсин.

«Қувондиқ Шихов» фермер хўжалиги ҳисобидан «TEXTILE FINANCE KHOREZM» маъсулияти чекланган жамияти қўшма корхонаси фойдасига 1.152.958.584,1 сўм асосий қарздорлик ва олдиндан тўланган 34.000 сўм почта харажати жами 1.152.992.584,1 сўм ундирилсин.

«Қувондиқ Шихов» фермер хўжалиги хисобидан Республика бюджетига 23.059.171,68 сўм давлат божи ундирилсин.

Хал қилув қарори қонуний кучга киргач ижро варақалари берилсин.

Мазкур ҳал ҳилув ҳарори устидан шу суд орҳали Хоразм вилоят суди иҳтисодий ишлар буйича судлов ҳайъатига бир ойлик муддатда апелляция тартибида шикоят бериши, шунингдек биринчи инстанция судининг ҳонуний кучга кирган, апелляция тартибида курилмаган ҳал ҳилув ҳарори устидан олти ой ичида кассация шикояти б

Судья

Б.Хайитбоев